

ՈՐՈՇՈՒՄ
ԿԱՏԱՐՈՂԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

09.10.2020թ.

ք.Աշտարակ

Հարկադիր կատարումն ապահովող ծառայության Արագածոտնի մարզային բաժնի ավագ հարկադիր կատարող Ռ.Նամայանս, ուսումնասիրելով 23.07.2020թ. վերսկսված թիվ 03033480 կատարողական վարույթի նյութերը.

Պ Ա Ր Զ Ե Ց Ի

Արագածոտնի մարզի առաջին ատյանի ընդհանուր իրավասության դատարանի կողմից «31» հունվար 2017թ. տրված թիվ ԱՐԱԴ/1925/02/15 կատարողական թերթի համաձայն պետք է Աշոտ Սիրակի Ազիզյանից, Սամվել Հենրիկի Նահապետյանից և Անուշ Ժոզեֆի Մովսեսյանից համապարտության կարգով հոգուտ «Ֆինքա» ունիվերսալ վարկային կազմակերպություն փակ բաժնետիրական ընկերության բռնագանձել 5772,68 ԱՄՆ դոլարին համարժեք ՀՀ դրամ, որից 5461,82 ԱՄՆ դոլարին համարժեք ՀՀ դրամը՝ վարկի գումարի մնացորդը, 310,86 ԱՄՆ դոլարին համարժեք ՀՀ դրամը՝ տոկոսագումարի մնացորդը: 5461,82 ԱՄՆ դոլարին համարժեք ՀՀ դրամի նկատմամբ հաշվարկել և Աշոտ Սիրակի Ազիզյանից, Սամվել Հենրիկի Նահապետյանից և Անուշ Ժոզեֆի Մովսեսյանից համապարտության կարգով հոգուտ «Ֆինքա» ունիվերսալ վարկային կազմակերպություն փակ բաժնետիրական ընկերության բռնագանձել ՀՀ քաղաքացիական օրենսգրքի 411-րդ հոդվածով նախատեսված բանկային տոկոսներ՝ սկսած 2015 թվականի ապրիլի 10-ից մինչև պարտավորության դադարման օրը՝ ըստ համապատասխան ժամանակահատվածների համար Հայաստանի Հանրապետության կենտրոնական բանկի սահմանած բանկային տոկոսի հաշվարկային դրույքների:

Սույն քաղաքացիական գործի վարույթն անհատ ձեռնարկատեր Մովսես Պետրոսյանի մասով կարճել՝ «Սնանկության մասին» ՀՀ օրենքի 39-րդ հոդվածի 2-րդ կետի 4-րդ ենթակետի հիմքով:

Աշոտ Սիրակի Ազիզյանից, Սամվել Հենրիկի Նահապետյանից և Անուշ Ժոզեֆի Մովսեսյանից համապարտության կարգով հոգուտ «Ֆինքա» ունիվերսալ վարկային կազմակերպություն փակ բաժնետիրական ընկերության բռնագանձել 54905 ՀՀ դրամ վճարված պետական տուրքը:

Ինչպես նաև պարտապաններից պետք է բռնագանձել նաև բռնագանձման ենթակա գումարի 5 տոկոսի չափով ՀՀ դրամ գումար, որպես կատարողական գործողությունների կատարման ծախս:

Կատարողական վարույթով բռնագանձման վերաբերյալ վճռի հարկադիր կատարման ընթացքում պարտապան Սամվել Հենրիկի Նահապետյանի գույքի վրա բռնագանձում տարածելու պարագայում պարզվել է, որ այդ գույքը օրենքով սահմանված նվազագույն աշխատավարձի հազարապատիկի և ավելի չափով բավարար չէ պահանջատիրոջ հանդեպ պարտավորությունների ամբողջական կատարումն ապահովելու համար:

Վերոգրյալի հիման վրա և ղեկավարվելով «Սնանկության մասին» ՀՀ օրենքի 6-րդ հոդվածի 2-րդ մասով, «Դատական ակտերի հարկադիր կատարման մասին» ՀՀ օրենքի 28-րդ, 28-րդ 1 հոդվածով և 37-րդ հոդվածի 8-րդ կետով.

ՈՐՈՇԵՑԻ

Կասեցնել 23.07.2020թ. վերսկսված թիվ 03033480 կատարողական վարույթը 60-օրյա ժամկետով. Առաջարկել պահանջատիրոջը և պարտապանին նրանցից որևէ մեկի նախաձեռնությամբ 60-օրյա ժամկետում սնանկության հայց ներկայացնել դատարան.

Սույն որոշումը երկու աշխատանքային օրվա ընթացքում հրապարակել www.azdarar.am ինտերնետային կայքում.

Որոշման պատճեն ուղարկել կողմերին:

Հարկադիր կատարողի կայացրած որոշումը կարող է բողոքարկվել վերադատության կարգով որոշումն ուժի մեջ մտնելու օրվանից հետո՝ երկամսյա ժամկետում, կամ վարչական դատարան՝ օրենքով սահմանված ժամկետներում:

Ավագ հարկադիր կատարող

Արդարադատության կապիտան

Ռ.Նամայան



Հեռ. /060/570-522

ԿԱՏԱՐՈՂ՝ Ռ.ՆԱՄԱԹՅԱՆ
Կ/Կ N 03033480